



# ТОШКЕНТ ОҚШОМИ

Газета 1966 йил 1 июлдан чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 200 (11.511)

Баҳоси эркин нарҳда

## ОҚСАРОЙДА ҚАБУЛ

**Ўзбекистон Республикаси Президенти Ислом Каримов 12 октябрь кунни Оқсаройда АҚШ Давлат котибининг Жанубий ва Марказий Осиё бўйича ёрдамчиси Роберт Блейкни қабул қилди.**

Давлатимиз раҳбари Ўзбекистон—АҚШ муносабатлари кўплаб соҳалардаги ҳамкорликни, шунингдек, трансмиллий таҳдидларга қарши курашиш, минтақавий хавфсизлик ва барқарорликни мустаҳкамлаш каби кенг кўламлиги халқаро масалаларни қамраб олишини қайд этди.

Мамлакатларимиз Афғонистонда тинчлик ва барқарорлик ўрнатиш, Афғонистонни иқтисодий тиклаш ишларида ҳамкорлик қилиб келмоқда. Ўзбекистон ҳудуди орқали Афғонистонга ноҳарбий ва гуманитар юклар етказиб берилмоқда.

Роберт Блейк самимий қабул учун Президентимизга миннатдорлик билдирди, АҚШ маъмурияти Ўзбекистон билан ўзаро манфаатли ҳамкорликни янада кенгайтиришдан манфаатдор эканини таъкидлади.

Мулоқот чоғида Ўзбекистон—АҚШ муносабатларини янада ривожлантиришга доир ҳамда томонларни қизиқтирган бошқа масалалар юзасидан фикр алмашилди.

(ЎЗА)

**Мамлакатимизга ташриф буюрган АҚШ Давлат котибининг Жанубий ва Марказий Осиё бўйича ёрдамчиси Роберт Блейк раҳбарлигидаги делегация 12 октябрь кунни Ўзбекистон Республикаси Олий Мажлиси Сенати Раиси Илгизар Собиров билан учрашди.**

## АҚШ ДЕЛЕГАЦИЯСИ ЎЗБЕКИСТОНДА

Мулоқот чоғида Ўзбекистон билан АҚШ ўртасидаги алоқалар кўплаб жабҳаларда, жумладан, парламентаризм соҳасида ҳам изчил ривожланиб бораётгани, бунда икки давлат раҳбарларининг учрашувларида эришилган келишувлар мўҳим ҳуқуқий асос бўлиб хизмат қилаётгани алоҳида таъкидланди.

Учрашувда икки мамлакат олий қонун чиқарувчи органлари ўртасидаги муносабатларга доир масалалар юзасидан фикр алмашилди. Мехмонларга Ўзбекистоннинг икки палатали парламенти фаолияти тўғрисида сўзлаб берилди.

АҚШ делегацияси Ўзбекистон Республикаси Олий Мажлиси Қонунчилик палатаси Спикери Дилором Тошмухамедова билан ҳам музокара ўтказди. Учрашув чоғида икки томонлама муносабатларнинг ҳуқуқий асосини мустаҳкамлашда парламентларо ҳамкорлик мўҳим аҳамият касб этиши таъкидланди.

Делегация аъзолари мамлакатимизнинг қатор вазирлик ва идораларида ҳам бўлиб, икки томонлама ҳамкорликка оид масалалар юзасидан фикр алмашилди.

(ЎЗА)

## ТОШКЕНТ ШАҲАР КЕНГАШИ СЕССИЯСИ

**КЕЧА** учинчи чақирқ халқ депутатлари Тошкент шаҳар Кенгаши сессияси бўлиб ўтди. Депутатлар маҳаллий Кенгаш ваколати доирасида Олий Мажлис Қонунчилик палатаси ҳамда шаҳар Кенгашига ўтказиладиган сайловга тааллуқли масалаларни муҳокама қилишти. Сессияни Тошкент шаҳар ҳокими Абдуқаҳҳор Тўхтаев олиб борди.

«Ўзбекистон Республикаси Олий Мажлисига сайлов тўғрисида»ги Қонуннинг 7-моддасига асосан парламентнинг Қонунчилик палатасига сайлов бир юз ўттиз бешта ҳудудий сайлов округи бўйича ўтказилади. Марказий сайлов комиссияси жойлардаги давлат ҳокимияти органларининг тақлифларини кўриб чиқиб, Олий Мажлис қўйи палатасига сайлов ўтказиш учун сайлов округларини, шу жумладан Тошкент шаҳрида ҳам сайлов округларини тузиш тўғрисида қарор қабул қилди. Қайд этилган қонунга биноан сайловга камидан етмиш беш кун қолганида сайлов округларининг рўйхати уларнинг номлари, тартиб рақамлари, чегаралари ва сайловчилар сони кўрсатилган ҳолда матбуотда эълон қилинди.

(Давоми 2-бетда).

## ҚИСҚА САТРЛАРДА

Тошкент шаҳар ҳокимлигининг Аxbорот хизмати ва ўз мухбирларимиз хабарларидан.

✓ **ТОШКЕНТ** шаҳар Шошилнч тез тиббий ёрдам клиник шифохонасига замонавий тиббий жиҳозлар ва технологиялар туҳфа этилди.

✓ **КЕЧА** Ёшлар ижод уйида «Стайл Уз — 2009» халқ амалий санъати намуналари кўргазмаси очилди.

✓ **ЎЗБЕКИСТОН** Савдо-саноат палатасининг Тошкент шаҳар бошқармасида ўтказилган тадбир 20-24 октябрда пойтахтимизда ташкил этиладиган Халқаро кооперация биржасининг аҳамиятига бағишланди.

✓ **КЕЧА** Ўзбекистон футбол федерациясида 1994 йилда туғилган ўсмирлардан таркиб топган Ўзбекистон терма жамоасининг Малайзияда ўтказиладиган

Осиё чемпионатида саралаш турнирига тайёргарлиги масаласига бағишлаб уюштирилган матбуот анжуманида футбол мутасаддилари, мутахассислари иштирок этишти.

## ПОЙТАХТНИНГ БИР КУНИ



**Юртимизда кичик бизнес ва хусусий тадбиркорликни ҳар томонлама қўллаб-қувватлашга қаратилган эътибор, яратилаётган шарт-шароит ҳамда ҳуқуқий ҳимоя туфайли ички бозоримиздаги маҳсулотлар сифати, рақобатбардошлиги ҳамда чиройли қадоқланиши билан нозиктаъб харидорларни ҳам ўзига жалб этмоқда.**



### Тадбиркорлик

## КОРХОНА МАҲСУЛОТЛАРИГА СИФАТ БЕЛГИСИ

Ана шундай имкониятлардан оқилона фойдаланаётган «NAFIS OLAM» масъулияти чекланган жамияти жамоаси ҳам йилдан йилга ишлаб чиқариш ҳажмини ошириб, маҳсулот турларини кўпайтиришга муваффақ бўлмоқда.

— Тўрт йилдан буён фаолият юритаётган корхонамизда, — дейди жамият бошқаруви раиси Равшан Исахонов, — ҳозирда 12 турдаги маҳсулот ишлаб чиқарилмоқда. Даставвал, ўзимизда ўсадиган шифобахш неъмат — наъматақдан чой ишлаб чиқаришни йўлга қўйгандик. Бугунги кунга келиб, минг дардга дармон ҳисобланган мойчечагу дунё халқлари тан олган стерия ҳамда яқинда ишлаб чиқариш ўзлаштирилган каркаде чойлари тайёрланмоқда. Янги маҳсулотларимизнинг харидорчилигини таъминлашда ҳамкорларимизнинг — Ўзбекистон Республикаси Фанлар академияси, юртимиздаги кўплаб илмий-тадқиқот инсти-

тулари, етакчи олим, профессорларнинг бегараз маслаҳат, кўмак ва мададларига таянган ҳолда иш юритишимиз ютуқларимиз омили бўлмоқда.

Мазкур жамиятнинг 12 нафар ишчи-хизматчиларига цехга ўрнатилган маҳаллий ишлаб чиқарувчиларнинг самарали дастоҳ ва ускуналари мададор бўлмоқда. Маҳсулотлар турли ҳажмларда (20-100 граммлик), чиройли (уч қаватли) қадоқланиб «Дори-дармон» акциядорлик компанияси таркибидаги дорихона, хусусий дорихона, дўконларга жўнатилади.

Этиборли томони, жамоа аҳли хом ашёнинг сифатига алоҳида эътибор қаратишади, яъни ҳар битта барг, ўсимлик қўлда назоратдан ўтказилади. Маҳсулотнинг шифобахшлиги, ёқимли хид таратиши, инсон саломатлигини тиклашга хизмат қилиши, аллергенларсиз бўлиши унинг харидорчилигини таъминламоқда.

Ҳеч нарса ўз-ўзидан бўлмайд. Корхона тадбиркорларининг кўплаб кўрик-танлов, кўргазмаларда маҳсулотлари билан қатнашишлари, хорижликларнинг «NAFIS OLAM» савдо белгиси остида ишлаб чиқарилаётган шифобахш чойларга қизиқишлари туфайли сертификатланган ушбу маҳсулотлар Халқаро Европа сифат белгисига сазовор бўлди. 102 та мамлакатнинг машҳур компаниялари маҳсулотлари орасида Мадридда ҳамюртларимизга ушбу нуфузли мукофотнинг топширилиши ҳақида айнан Мустақиллигимизнинг 18 йиллиги ҳамда азим Тошкентимизнинг 2200 йиллик юбилейи тантаналари нишонланаётган кунларда шодиёна хабар келди.

**МУҲАББАТ ҲАБИБУЛЛАЕВА СУРАТДА:** корхона фаолиятидан лавҳа.

Ҳақимжон Солиҳов олган сурат

## ЖАҲОНДА

• Кеча Москвада Россия Федерацияси ва Арманистон президентлари ўзаро ҳамкорликни мустаҳкамлаш юзасидан музокаралар олиб боришти.

• АҚШ Давлат котиби Хиллари Клинтон Шимолий Америка ва унинг иттифоқчилари КХДР ядро дастурининг келажақда ҳам давом эттирилишини қабул қила олмасликларини билдирди.

• Кеча Москвада Россия ва АҚШ дипломатлари ракетага қарши мудофаа тизими бўйича Американинг янги модификациядаги қисқа масофаларга парвоз қилувчи бешта ракетани учирди.

• Ингушетияда амалга оширилган маҳсул ошариш чоғида бешта жангари йўқ қилинди.

• Ироқнинг Рамади шаҳрида учта портлаш содир этилди. Яъни, машиналарга ўрнатилган портловчи қурилмаларнинг ҳаракатга келтирилиши оқибатида 20 дан ортқ одам ҳалок бўлди, 80га яқин киши тан жароҳатлари олди. Ушбу кўпуровчилик ҳаракатининг ким томонидан ва қандай мақсадда амалга оширилганиги маълум эмас.

• Австралия ва Янги Зеландия кучли тўфондан жиддий зарар кўрган Самоа давлатига 12,2 миллион АҚШ доллари миқдорда ёрдам кўрсатишга қарор қилди.

• Кеча Покистоннинг шимоли-ғарбий қисмида жойлашган бозор ҳудудида амалга оширилган террорчилик ҳаракати натижасида 40 дан ортқ киши ҳалок бўлди.

• Жорий йилнинг 11 октябридан бошлаб Сурияда жамоат жойларида чекишни тақиқловчи қонун кучга кирди. Эндиликда умумий овқатланиш жойлари, бар, ресторанлар, жамоат транспортлари, ўқув муассасалари ва бошқа шу қабил масканларда тамаки чекканлар 2 минг сурия фунти (46 АҚШ доллари) миқдорда жаримага тортилади.

• Кеча Тинч океанининг Курил ороллари қисмида Рихтер шкаласи бўйича 5,8 балли зилзила содир бўлди. Маълумотларга кўра, бу ерда тўфоннинг юзага келиш хавфи йўқ.

• Ирландияда ўқув-жанговар самолётнинг ҳалокатга учраши натижасида 2 учувчи бедарак йўқолди.

• Хиндистон яқин радиусга мўлжалланган иккита баллистик ракетани синовдан ўтказди. Ҳозирча мазкур ҳарбий амалиётга нисбатан халқаро ҳамжамият томонидан ҳеч қандай муносабат билдирилмади.





